



UNIVERSITÄTS-
BIBLIOTHEK
PADERBORN

Praxis Meditationum S.P. Ignatii Loyolae

Diertins, Joseph

Solisbaci, 1708

Med. 24. Ejusdem Myst. punct. 3.

[urn:nbn:de:hbz:466:1-60232](#)

MEDITATIO XXIV.

*De condemnatione, & crucifixione JESU
Christi. Joan. 19.*

Myst. punct. 3.

CONG. Resumatur eadem.

PRÆL. I. Quomodo Christus inter duos latrones crucifixus sit.

PRÆL. Constituere se in Monte Calvariæ.

PRÆL. III. Petere gratiam, penitus intelligendū mysterium crucis.

PUNCTUM I. PERSONÆ. MEM. Aspiciamus Christum in Monte Calvariæ inter satellites, & instrumenta necis jam paratum, ut crucifigatur.

INTEL. Consideremus quod in statu rerum tam arduo, & tam fatali, maximè emicuerit id quod prædictum est Isa. 11. *Requiescat super eum Spiritus Domini : Spiritus Sapientiae, & Intellectus ; Spiritus Consilii, & fortitudinis ; Spiritus Scientiae, & pietatis ; & replebit eum Spiritus timoris Domini.* REFL. In nobis verò, quoties arduum quid pro Deo adeundum est, & consilium, & fortitudo, & cœtera omnia facile deficiunt.

VOL. Petamus septem illa Spiritus S. dona, & exemplo Christi ad crucem prompti simus.

Punc-

PUNCTUM II. VERBA. MEM. Erat autem scriptum: *Iesus Nazarenus Rex Iudeorum.* Joan. 19.

INTEL. Judæi clamaverunt: *Non habemus Regem, nisi Cæsarem.* Joan. 19. & ecce invitatis, & ne quidquam dissuadentibus Judæis, à Pilato Christus per illum titulum, proclamatur Rex Iudeorum. REFL. Si offenderit titulus ille Judæos, nobis certè gratus esse debet, qui Christum pridem agnovimus Regem.

VOL. Imò non tantùm agnoscamus eum Regem Iudeorum, sed profiteamur, quod sit Rex Regum, & Dominus dominantium. 1. Tim. 6. Exaltabo te Deus meus Rex. Ps. 144.

PUNCTUM III. OPERA. MEM. Crucifixerunt eum Matth. 27.

INTEL. Perpendamus Christum in sublimi cruce elevatum, separatum fuisse quodammodo à terra, & à mundo: carnem, & corpus suum, habentem cruci affixum. REFL. Sic nos deberemus mundum despicere, & deserere. *Qui autem sunt Christi, carnem suam crucifixerunt cum vitiis, & concupiscentiis.* Gal. 5.

VOL. Dicamus itaque cum Apostolo Gal. 6. mihi mundus crucifixus est, & ego mundo, hoc est: reproto mundum tamquam latronem crucifixum: sicut ille reputavit Christum.

PUNCTUM IV. QUID PATIATUR. MEM. Crucifixerunt eum; & latrones unum à dexteris & alterum à sinistris. Luc. 23.

INTEL.

INTEL. Singula in hoc crudelissimo spectaculo perpendamus: quanta patiatur Christus in brevitate vitæ, id ætatis; in ægritudine, & dolore, transfixus clavis, &c. in nuditate, & paupertate; in contemptu, & opprobriis, *cum inquis reputatus*. Marc. 15. REFL. Nos verò delicati sumus milites sub tali Rege.

VOL. Curramus, & accedamus ad Christum crucifixum, & crucem amplectamur, proferamusque ea, quæ suggerit mens & affectus.

PUNCTUM V. QUID DIVINITAS. MEM. Circumspiciamus innumeram hominum multitudinem spectaculo huic intentam.

INTEL. Divinitas quodammodo dicit: *nondum venit hora mea.* Joan. 2. *Quomodo ergo implebuntur scripturæ, quia sic oportet fieri?* Matt. 26. REFL. Sic nos quando videmus, quod peccatores, & abundantes in saeculo obtinuerunt diutias, & quod justus sit flagellatus totâ die, intremus in Sanctorium Dei. Et intelligamus in novissimis eorum. Ps. 72. Mox veniet hora, quâ se manifestabit Divinitas.

PUNCTUM VI. QUID NOS. MEM. Hæreamus in amplexu Christi Crucifixi.

INTEL. Recogitemus illud 1. Pet. 2. *Peccata nostra ipse pertulit in Corpore suo super lignum, ut peccatis mortui justitiae vivamus.* REFL. Sic Deus dilexit nos: Sic justitiae vivendo diligere ipsum debemus.

VOL. Affectui indulgeamus, in amplexu crucis.
COLLOQ. Conformia.

RECOLLECTIO. REPETITIO. APPLICATIO SENSUUM.

ME.